

Tema: Java Operators

Tabela e përmbajtjes

| | |
|--|----|
| Lista e figurave | 2 |
| 1. Arithmetic Operators..... | 3 |
| 2. Assignment Operators..... | 5 |
| 3. Unary Operators..... | 6 |
| 4. Relational Operators | 9 |
| 5. Logical Operators..... | 11 |
| 6. Ternary Operator..... | 13 |
| 7. Bitwise & Shift Operators | 14 |
| 8. instanceof Operator..... | 14 |
| Tabela e përparësisë së operatorëve..... | 16 |
| Përfundim | 16 |

Lista e figurave

| | |
|---|----|
| Fig. 1 Arithmetic operators example..... | 4 |
| Fig. 2 Division operator example..... | 5 |
| Fig. 3 Unary operators example..... | 7 |
| Fig. 4 Prefix & Postfix example | 8 |
| Fig. 5 Relational operators example | 10 |
| Fig. 6 Logical operators example..... | 12 |
| Fig. 7 Ternary operator example..... | 13 |
| Fig. 8 instanceof operator example..... | 15 |

Përshëndetje të gjithëve!

Në këtë artikull, do të mësoni për llojet e ndryshme të operatorëve në Java, sintaksën e tyre dhe si t'i përdorni ato me ndihmën e shembujve. Operatori në Java është një simbol që përdoret për të kryer veprime në variabla dhe vlera. Për shembull: operatori + përdoret për mbledhje.

Disa tipe operatorësh janë:

- Arithmetic Operators
- Assignment Operator
- Unary Operators
- Relational Operators
- Logical Operators
- Ternary Operator
- Bitwise & Shift Operators
- instanceof Operator

1. Arithmetic Operators

Përdoren për të kryer veprime të thjeshta aritmetike si në algjebër. Më poshtë jepen operatorët dhe veprimi që kryejnë.

| Operatori | Veprimi |
|-----------|--------------------------------|
| + | Mbledhje |
| - | Zbritje |
| * | Shumëzim |
| / | Pjesëtim |
| % | Modulo (mbetja pas pjesëtimit) |

Shohim një shembull për përdorimin e këtyre operatorëve. Në klasën ArithmeticOpTest kemi deklaruar në metodën main dy variabla të tipi tint (a dhe b). Më pas kemi printuar vlerat e secilit veprim mbledhje, zbritje, shumëzim, pjesëtim dhe modulo, si në figurën 1.

```

public class ArithmeticOpTest {
    public static void main(String[] args) {
        // deklarojmë variablat
        int a = 17, b = 7;

        // operatori i mbledhjes
        System.out.println("a + b = " + (a + b));

        // operatori i zbritjes
        System.out.println("a - b = " + (a - b));

        // operatori i shumezimit
        System.out.println("a * b = " + (a * b));

        // operatori i pjesetimit
        System.out.println("a / b = " + (a / b));

        // operatori modulo
        System.out.println("a % b = " + (a % b));
    }
}

```

Fig. 1 Arithmetic operators example

Rezultati

```

a + b = 24
a - b = 10
a * b = 119
a / b = 2
a % b = 3

```



Nëse përdorim operatorin e pjesëtimit (/) me dy numra të plotë, atëherë rezultati që marrim do të jetë gjithashtu një numër i plotë. Nëse një nga termat është një numër me presje dhjetore, rezultati do të jetë gjithashtu me presje dhjetore.

Marrim shembullin si më poshtë:

```
public class DivisionOpTest {  
    public static void main(String[] args) {  
        int a = 10;  
        int b = 7;  
        double c = 10.3;  
        double d = 3.5;  
  
        System.out.println("a / b = " + (a / b));  
        System.out.println("c / a = " + (c / a));  
        System.out.println("a / d = " + (a / d));  
        System.out.println("c / d = " + (c / d));  
    }  
}
```

Fig. 2 Division operator example

Rezultati

```
a / b = 1  
c / a = 1.03  
a / d = 2.857142857142857  
c / d = 2.942857142857143
```

2. Assignment Operators

Assignment Operator përdoret për t'i caktuar një vlerë çdo variabli. Vlera e dhënë në anën e djathtë të operatorit i caktohet variablit në të majtë. Sintaksa: **variabla = vlera;**

Në disa raste *Assignment Operator* mund të kombinohet me operatorë të tjerë për të krijuar një version më të shkurtër të *Compound Statement*. Për shembull, në vend të **a = a + 9**, mund të shkruajmë **a += 9**.

| Operator | Veprimi | Ekuivalente me |
|----------|---|----------------|
| = | Vlera e dhënë në anën e djathtë të operatorit i caktohet variablit në të majtë. | $a = b;$ |
| += | Për mbledhjen e variablit në të majtë me atë në të djathtë dhe pastaj caktimin e tij në variablin në të majtë | $a = a + b;$ |
| -= | Për zbritjen e variablit në të majtë me atë në të djathtë dhe pastaj caktimin e tij në variablin në të majtë | $a = a - b;$ |
| *= | Për shumëzimin e variablit në të majtë me atë në të djathtë dhe pastaj caktimin e tij në variablin në të majtë | $a = a * b;$ |
| /= | Për pjesëtimin e variablit në të majtë me atë në të djathtë dhe pastaj caktimin e tij në variablin në të majtë | $a = a / b;$ |
| %= | Për të gjetur mbetjen e variablit në të majtë me atë në të djathtë dhe pastaj caktimin e tij në variablin në të majtë | $a = a \% b;$ |

3. Unary Operators

Unary Operators përdoren vetëm me një operand. Ato përdoren për të rritur, zvogëluar ose mohuar një vlerë. Për shembull, ++ është një *Unary Operator* që rrit vlerën e një variabli me 1. Domethënë, ++8 do të kthejë 9.

Llojet e ndryshme të *Unary Operators* janë:

| Operatori | Shpjegimi |
|-----------|--|
| + | Unary plus: nuk është e nevojshme të përdoret pasi numrat janë pozitivë dhe pa e përdorur |
| - | Unary minus: ndryshon shenjën e një shprehjeje |

| | |
|----|--|
| ++ | Increment operator: rrit vlerën me 1 |
| -- | Decrement operator: zvogëlon vlerën me 1 |
| ! | Logical complement operator: ndryshon vlerën e një Boolean (nga false -> true ose e kundërta) |

Shohim shembullin e mëposhtëm për *Unary Operators*.

```
public class UnaryOpTest {
    public static void main(String[] args) {
        // deklarohet variablat
        int a = 7, b = 7;
        int result1, result2;

        // vlera fillestare e a
        System.out.println("Vlera e variablit a: " + a);
        result1 = ++a;
        System.out.println("Pas inkrementimit: " + result1);

        // vlera fillestare e b
        System.out.println("Vlera e variablit b: " + b);
        result2 = --b;
        System.out.println("Pas dekrementimit: " + result2);

        /** Shembull me operatorin ! */
        boolean boolVariable = false;
        boolean isJava = !boolVariable;

        //Vlera e boolVariable
        System.out.println("Vlera e boolVariable: " + boolVariable);

        //Vlera e isJava
        System.out.println("Vlera e isJava: " + isJava);
    }
}
```

Fig. 3 Unary operators example

Rezultati

```
Vlera e variablit a: 7
Pas inkrementimit: 8
Vlera e variablit b: 7
Pas dekrementimit: 6
Vlera e boolVariable: false
Vlera e isJava: true
```

Në programin më sipër operatorët ++ dhe -- i kemi përdorur si **prefixes** (++a, --b). Këta operatorë mund t'i përdorim dhe si **postfixes** (a++, b--). Ka një diferencë të vogël kur i përdorim në secilin rast. Shohim shembullin e mëposhtëm:

```
public class PrefixPostfixTest {
    public static void main(String[] args) {
        /** Shembull me prefix dhe postfix */
        int a = 7, b = 7;

        System.out.println("Vlera e a: " + a);
        System.out.println("Vlera e ++a: " + ++a);
        System.out.println("Vlera e a++: " + a++);
        System.out.println("Vlera e a: " + a);

        System.out.println("\nVlera e b: " + b);
        System.out.println("Vlera e --b: " + --b);
        System.out.println("Vlera e b--: " + b--);
        System.out.println("Vlera e b: " + b);
    }
}
```

Fig. 4 Prefix & Postfix example

Rezultati

```
Vlera e a: 7
Vlera e ++a: 8
Vlera e a++: 8
Vlera e a: 9

Vlera e b: 7
Vlera e --b: 6
Vlera e b--: 6
Vlera e b: 5
```


Nëse përdorim operatorin ++ si **prefix** ++a vlera e a rritet me 1, pastaj kthen vlerën. Nëse përdorim operatorin ++ si **postfix** a ++, atëherë si fillim kthehet vlera e **variablit a** dhe pastaj rritet me 1. Kjo shihet dhe në shembullin më sipër. Si fillim vendosim vlerat e a dhe b = 7. Printojmë vlerën fillestare të a që është 7. Më pas printojmë vlerën e ++a që është 8, pra vlera e **a** rritet me 1 dhe pastaj printon vlerën 8. Kur printojmë vlerën e a++ shohim se përsëri del rezultati 8. Kjo sepse në fillim printohet vlera e **a** pastaj rritet me 1. Nëse printojmë përsëri vlerën e **a** shohim se tani rezultati është 9. E njëjta gjë ndodh dhe me operatorin -- të cilin e shohim në shembullin me **variablin b**.

4. Relational Operators

Relational Operators përdoren për të kontrolluar marrëdhënien midis dy kufizave. Këta operatorë përdoren për të kontrolluar marrëdhëniet si barazia, më e mëdhe se, më e vogël se etj. Ata kthejnë rezultat boolean pas krahasimit dhe përdoren gjerësisht në *loops*, si dhe në marrjen e vendimeve; *if else statements*. Llojet e ndryshme të *Relational Operators* janë:

| Operatori | Shpjegimi |
|-----------|---|
| == | Equal to (i barabartë me) |
| != | Not equal to (jo i barabartë me) |
| > | Greater than (më i madh se) |
| < | Less than (më i vogël se) |
| >= | Greater than or Equal to (më i madh ose i barabartë me) |
| <= | Less than or Equal to (më i vogël ose i barabartë me) |

Shohim shembullin e mëposhtëm. Deklarojmë variablat a me vlerë 8 dhe b me vlerë 15. Në bazë të krahasimeve që kryejmë mes a dhe b marrim rezultatet boolean. a == b rezulton false pasi nuk janë të barabarta. a != b rezulton true, sepse janë të ndryshme. E njëjta logjikë funksionon dhe për operatorët e tjerë.

```

public class RelationalOpTest {
    public static void main(String[] args) {
        // deklarime variablat
        int a = 8, b = 15;

        // vlerat e a dhe b
        System.out.println("a eshte: " + a + " dhe b eshte: " + b);

        // operatori ==
        System.out.println(a == b); // false

        // operatori !=
        System.out.println(a != b); // true

        // operatori >
        System.out.println(a > b); // false

        // operatori <
        System.out.println(a < b); // true

        // operatori >=
        System.out.println(a >= b); // false

        // operatori <=
        System.out.println(a <= b); // true
    }
}

```

Fig. 5 Relational operators example

Rezultati

```

a eshte: 8 dhe b eshte: 15
false
true
false
true
false
true

```

5. Logical Operators

Logical Operators përdoren për të kontrolluar nëse një shprehje është **true** ose **false**. Ato përdoren në vendimmarrje. Llojet e ndryshme të *Logical Operators* janë:

| Operatori | Shembull | Shpjegimi |
|------------------|------------------------|---|
| && (logical AND) | shprehja1 && shprehja2 | e vërtetë vetëm nëse shprehja1 dhe shprehja2 janë të vërteta |
| (logical OR) | shprehja1 shprehja2 | e vërtetë nëse një prej shprehja1 dhe shprehja2 është e vërtetë |



*Një gjë që duhet mbajtur parasysh është se **Logical Operators** vlerësojnë shprehjen e dytë vetëm kur është e nevojshme. Për shembull, (true || shprehja2). Shprehja e parë, në këtë rast “true”, është gjithmonë e vërtetë, kështu që Java nuk ka nevojë të vlerësojë shprehja2. E njëjta logjikë dhe me operatorin && (AND). Kjo quhet **Short-circuit evaluation**.*

I shpjegojmë më qartë me shembullin e figurës 6. Kemi dy variablat a dhe b me vlerat përkatësisht 7 dhe 23. Në shembujt me operatorin && (AND) shohim se vetëm një vlerë printohet. Kjo sepse duhet që të dy vlerat të jenë të vërteta që të plotësohet kushti. Në rastin e parë (a < 5) është **false** dhe si u shpjegua më sipër kjo mjafton për ta përjashtuar futjen brenda bllokut ku printohet vlera “Test 1 AND”. Në këtë rast nuk kryhet kontrolli i dytë (b > 20). Në rastin e dytë (a > 5) && (b < 3) shprehja e parë është **true** dhe kalojmë në kontrollin e shprehjes së dytë e cila është **false** pasi b = 23 është më e madhe se 3. Në shembullin e tretë të dyja shprehjen (a > 5) && (b < 24) rezultojnë true dhe printohet “Test 3 AND”.

Përsa i përket operatorit || (OR) mjafton që një prej shprehjeve të rezultojë **true**. Në shembullin e parë (a < 5) || (b > 20) shprehja e parë është **false** dhe kalohet në vlerësimin e shprehjes së dytë e cila është trëue, prandaj printohet teksti “Test 1 OR”. Në shembullin e dytë kontrollojmë (a > 5) || (b < 3). Në këtë rast shprehja e parë (a > 5) rezulton **true** dhe nuk kryejmë kontrollin e shprehjes së dytë. Printojmë tekstin “Test 2 OR”. Në shembullin e fundit (a < 5) || (b > 24) shprehja e parë rezulton **false** dhe kalojmë në kontrollin e shprehjes së dytë. Dhe shprehja e dytë rezulton **false**, kështu që nuk printohet teksti.

```

public class LogicalOpTest {
    public static void main(String[] args) {
        int a = 7, b = 23;

        /** Shembuj me operatorin && (AND) */
        if((a < 5) && (b > 20)) {
            System.out.println("Test 1 AND"); //nuk printohet
        }

        if((a > 5) && (b < 3)) {
            System.out.println("Test 2 AND"); //nuk printohet
        }

        if((a > 5) && (b < 24)) {
            System.out.println("Test 3 AND"); //printohet
        }

        /** Shembuj me operatorin || (OR) */
        if((a < 5) || (b > 20)) {
            System.out.println("Test 1 OR"); //printohet
        }

        if((a > 5) || (b < 3)) {
            System.out.println("Test 2 OR"); //printohet
        }

        if((a > 5) || (b < 24)) {
            System.out.println("Test 3 OR"); //printohet
        }

        if((a < 5) || (b > 24)) {
            System.out.println("Test 4 OR"); //nuk printohet
        }
    }
}

```

Fig. 6 Logical operators example

Rezultati

```
Test 3 AND
Test 1 OR
Test 2 OR
Test 3 OR
```

6. Ternary Operator

Ternary Operator (operatori i kushtëzuar) është shkurtim për **if-then-else**.

Sintaksa: condition ? if true : if false

Kjo do të thotë që nëse shprehja rezulton **true**, atëherë ekzekutohet shprehja pas "?" përndryshe ekzekutohet shprehja pas ":". Shohim kodin e mëposhtëm.

```
public class TernaryOpTest {
    public static void main(String[] args) {
        int daysInAYear = 366;
        String result;
        result = (daysInAYear == 366) ? "Eshte vit i brishte" : "Nuk eshte vit i brishte";
        System.out.println(result);
    }
}
```

Fig. 7 Ternary operator example

Rezultati

```
Eshte vit i brishte
```

Interpretimi: Meqënëse vlera e variablit *daysInAYear* është 366, atëherë (daysInAYear == 366) rezulton **true** prandaj vlera e **result** = “Eshte vit i brishte”.

7. Bitwise & Shift Operators

Në Java, operatorët **Bitwise** kryejnë operacione në të dhëna numerike të plota në nivelin individual të bitit. Të dhënat numerike të plota përfshijnë të dhëna *byte*, *short*, *int* dhe *long*. Operatorët e diskutuar në këtë pjesë përdoren më rrallë se të tjerët.

Nëse doni të lexoni më tepër mbi këta operatorë klikoni [këtu](#).

| Operatori | Shpjegimi |
|-----------|--|
| ~ | Bitwise Complement (është një <i>unary operator</i> që kthen përfaqësuesin e komplementit të njëshit të variablit) |
| << | Left Shift (zhvendos të gjitha bitet në të majtë me një numër të caktuar bitesh të specifikuar) |
| >> | Right Shift (zhvendos të gjitha bitet në të djathtë me një numër të caktuar bitesh të specifikuar) |
| >>> | Unsigned Right Shift |
| & | Bitwise AND (kthen bit për bit AND të vlerës së variablit) |
| | Bitwise OR (kthen bit për bit OR të vlerës së variablit) |
| ^ | Bitwise exclusive OR (kthen bit për bit XOR të vlerës së variablit) |

8. instanceof Operator

Operatori **instanceof** përdoret për kontrollimin e tipit. Mund të përdoret për të testuar nëse një objekt është një instancë e një klase, një nënklase ose një ndërfaqeje (interface). Shohim shembullin më poshtë për ta kuptuar më mirë. Kemi klasën **Shpend**, klasën **Harabel**, e cila trashëgon klasën **Shpend** dhe implementon ndërfaqen **TestInterface**. Te rezultatet shohim se **obj1** ka rezultat **false** për *instanceof Harabel* dhe *instanceof TestInterface*, pasi **obj1** është objekt i tipit **Shpend**. Në anën tjetër **obj2** është objekt i tipit **Harabel** i cili ka *parent class* **Shpend** dhe implementon **TestInterface**. Prandaj **obj2** është instancë e tyre. Kjo shihet dhe te rezultati ku të gjitha rezultatet janë **true**.

```

public class InstanceOfOpTest {
    public static void main(String[] args) {
        Shpend obj1 = new Shpend();
        Shpend obj2 = new Harabel();

        // Shembuj me objektin e tipit Shpend
        System.out.println("obj1 instanceof Shpend: "
            + (obj1 instanceof Shpend));
        System.out.println("obj1 instanceof Harabel: "
            + (obj1 instanceof Harabel));
        System.out.println("obj1 instanceof TestInterface: "
            + (obj1 instanceof TestInterface));

        // Shembuj me objektin e tipit Harabel
        System.out.println("obj2 instanceof Shpend: "
            + (obj2 instanceof Shpend));
        System.out.println("obj2 instanceof Harabel: "
            + (obj2 instanceof Harabel));
        System.out.println("obj2 instanceof TestInterface: "
            + (obj2 instanceof TestInterface));
    }
}

class Shpend {
}

class Harabel extends Shpend implements TestInterface {
}

interface TestInterface {
}

```

Fig. 8 Instanceof operator example

Rezultati

```

obj1 instanceof Shpend: true
obj1 instanceof Harabel: false
obj1 instanceof TestInterface: false
obj2 instanceof Shpend: true
obj2 instanceof Harabel: true
obj2 instanceof TestInterface: true

```

Tabela e përparësisë së operatorëve

Tabela më poshtë rendit përparësinë e operatorëve në Java. Sa më lartë të shfaqet në tabelë, aq më e lartë është përparësia e tij.

| Tipi | Operatori |
|---|----------------------|
| postfix increment dhe decrement | ++ -- |
| prefix increment dhe decrement, dhe unary | ++ -- + - ~ ! |
| shumëzues | * / % |
| shtues | + - |
| shift | << >> >>> |
| relational | < > <= >= instanceof |
| barazia | == != |
| bitwise AND | & |
| bitwise exclusive OR | ^ |
| bitwise inclusive OR | |
| logical AND | && |
| logical OR | |
| ternary | ? : |
| assignment | = += -= *= /= %= |

Përfundim

Në këtë artikull folëm për operatorët në Java, sintaksën e tyre dhe përse përdoren. Nuk keni përse i mbani mend përmendësh, pasi do ju fiksohen kur të filloni t'i përdorni.

Për më tepër, nëse keni pyetje, mos ngurroni të pyesni në instagram @programuesja ose në adresën email programuesja@gmail.com.